

Bosna i Hercegovina
FEDERACIJA BOSNE I HERCEGOVINE
HERCEGOVAČKO – NERETVANSKI KANTON
KANTONALNI / ŽUPANIJSKI SUD U MOSTARU
Broj: 07 0 Su 022431 23 Su
Mostar, 20.01.2023. godine

Predsjednik Kantonalnog /Županijskog suda u Mostaru, Zoran Krtalić, na osnovu člana 31. stav 1. Zakona o sudovima u Federaciji Bosne i Hercegovine („Službene novine FBiH“, broj: 38/05, 22/06, 63/10, 72/10, 7/13, 52/14, 85/21), člana 8. stav 1. tačka d) i j) Pravilnika o unutrašnjem sudskom poslovanju („Službeni glasnik BiH“, broj 66/12, 44/14, 54/17, 60/17, 30/18), te člana 5. st. (1) Odluke o naknadi za vrijeme provedeno u pripravnosti za rad namještenika u sudovima u Hercegovačko-neretvanskom kantonu/županiji i Županijskom tužiteljstvu Hercegovačko-neretvanskog kantona/županije broj: 01-1-02-103/23 od 17.01.2023. godine, donosi

**Odluku o naknadi za vrijeme provedeno u pripravnosti za rad namještenika u
Kantonalnom /Županijskom sudu u Mostaru**

**Član 1.
(Predmet Odluke)**

Ovom Odlukom se uređuju način i uslovi provođenja Odluke o naknadi za vrijeme provedeno u pripravnosti za rad namještenika u sudovima u Hercegovačko-neretvanskom kantonu/županiji i Županijskom tužiteljstvu Hercegovačko-neretvanskog kantona/županije broj: 01-1-02-103/23 od 17.01.2023. godine, (u daljem tekstu: Odluka).

**Član 2.
(Pripravnost za rad)**

- (1) Namješteniku ovog Suda pripada naknada na osnovu vremena provedenog u pripravnosti za rad srazmjerno vremenu trajanja pripravnosti za rad.
- (2) Pripravnost za rad ne ulazi u radno vrijeme i predstavlja poseban oblik rada, kada namještenik ne mora biti prisutan na radnom mjestu, ali mora biti dostupan radi obavljanja poslova i zadataka svog radnog mjesta.
- (3) Pripravnost za rad radnim danom traje 16 sati, a neradnim danom 24 sata.
- (4) Pravo na naknadu iz stava 1. ovog člana se ostvaruje dostavom Odluke o rasporedu pripravnosti za rad koju donosi predsjednik Suda i izvještaja o provedbi te Odluke Ministarstvu pravosuđa, uprave i lokalne samouprave Hercegovačko-neretvanskog kantona.

**Član 3.
(Naknada za pripravnost za rad)**

- (1) Mjesečna naknada za pripravnost za rad namještenika iznosi 10% od satnice redovnog rada namještenika u tekućem mjesecu za svaki sat vremena proveden na pripravnosti za rad.

- (2) Mjesečni raspored pripravnosti za rad kojim se određuje potreban broj namještenika koji će biti u pripravnosti određuje odlukom predsjednik Suda.
- (3) U Sudu u pripravnosti za rad može biti samo namještenik raspoređen na radno mjesto viši referent – asistent sudije/sudački asistent, jer u skladu s uslovima i opisom poslova svog radnog mjesta, te tehničkim mogućnostima koje na tom radnom mjestu ima u CMS sistemu, isti je jedini od svih namještenika u Sudu u mogućnosti izvršiti sve naredbe koje može izdati sudija koji je istovremeno u pripravnosti za rad isključivo u postupanju u Kpp predmetu, sukladno čl. 4. st. (1) Odluke predsjednika Suda broj: 07 0 Su 021949 22 Su od 02.11.2022.g.
- (4) Raspored mora biti ravnomjerno raspoređen, u odnosu prema broju namještenika raspoređenih na radno mjesto viši referent – asistent sudije/sudački asistent, i broju dana na koji se raspoređuje pripravnost.
- (5) Sud će uspostaviti službene evidencije o satima provedenim u pripravnosti za rad.
- (6) U pripravnosti može biti maksimalno jedan namještenik viši referent – asistent sudije/sudački asistent.

Član 4.

(Naknada za rad u vrijeme pripravnosti)

(1) Kada za vrijeme trajanja pripravnosti za rad namještenik viši referent – asistent sudije/sudački asistent obavlja poslove i zadatke svog radnog mjesta u zgradi Suda, a radi se isključivo o postupanju po naredbi sudije koji je istovremeno u pripravnosti za rad u Kpp predmetu, što podrazumijeva odlučivanje sudije o prijedlogu tužioca o određivanju pritvora, namještenik ima pravo na povećanje osnovne plate srazmjerno vremenu provedenom na radu u sljedećim slučajevima:

- | | |
|---|--|
| 1. Prekovremeni rad | za 25% (dvadesetpet posto) od osnovne plate |
| 2. Rad subotom i nedeljom | za 15% (petnaest posto) od osnovne plate |
| 3. Rad na praznike koji su po zakonu državni praznici | za 40% (četrdeset posto) od osnovne plate |
| 4. Noćni rad | za 25% (dvadesetpet posto) od osnovne plate. |

(2) Za ostvarivanje prava na povećanje osnovne plate iz stava (1) ovog člana, namještenik viši referent – asistent sudije/sudački asistent je obavezan predsjedniku Suda prethodno podnijeti izvještaj o provedenim radnjama u konkretnom predmetu i vremenu provođenja istih, a predsjednik suda u svakom konkretnom slučaju cijeni osnovanost provođenja tih radnji van redovnog radnog vremena.

Namještenik viši referent – asistent sudije/sudački asistent može podnijeti izvještaj odmah po okončanju provedenih radnji, a najkasnije po okončanju pripravnosti za rad tokom koje je te radnje provodio.

(3) Naknade na osnovu člana 3. i člana 4. ove Odluke se međusobno isključuju.

Član 5.
(Rješavanje o naknadi za pripravnost za rad
i rješavanje o naknadi za rad u vrijeme pripravnosti)

(1) Odluku o rasporedu pripravnosti za rad donosi predsjednik Suda, te se ista obavezno dostavlja računovodstvu Suda, koji će, sukladno istoj, vršiti obračun mjesečne naknade za pripravnost.

(2) Odluka predsjednika Suda o osnovanosti provođenja radnji van radnog vremena koje je namještenik viši referent – asistent sudije/sudački asistent naveo u izvještaju iz člana 4. stavak (2) ove Odluke, obavezno se dostavlja Odsjeku računovodstvenih i pomoćno-tehničkih poslova Suda koji će, sukladno istoj, vršiti obračun naknade za rad u vrijeme pripravnosti.

Član 6.
(Objavljivanje i stupanje na snagu)

Ova Odluka stupa na snagu danom dobivanja saglasnosti Ministarstva pravosuđa, uprave i lokalne samouprave HNK na istu, te će se objaviti na oglasnoj tabli i web stranici Suda.

